

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), člana 37. stav (1) tačka 7) Zakona o zaštiti od nasilja u porodici (“Službene novine Federacije BiH”, broj: 20/13 i 75/21), člana 4., 6., 7. i 9. Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“ broj: 20/20 i 14/21), imajući u vidu Kriterije za izbor i imenovanje članova Koordinacionog tijela zaduženog za izradu i provođenje programa mjera za prevenciju, zaštitu i borbu protiv nasilja u porodici i zajednici na području Zeničko-dobojskog kantona broj: 02-31-18462/23 od 11.12.2023. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 19. sjednici, održanoj dana 29.02.2024. godine, d o n o s i

RJEŠENJE

o imenovanju članova Koordinacionog tijela za izradu i provođenje programa mjera za prevenciju, zaštitu i borbu protiv nasilja u porodici na području Zeničko-dobojskog kantona

Član 1.

(Sastav Koordinacionog tijela)

Imenuju se članovi Koordinacionog tijela za izradu i provođenje programa mjera za prevenciju, zaštitu i borbu protiv nasilja u porodici na području Zeničko-dobojskog kantona (u daljem tekstu: Koordinaciono tijelo) i to u sastavu kako slijedi:

1. Edin Arnaut - član, Selma El Haj Ahmad - zamjenik člana, Ministarstvo za rad, socijalnu politiku i izbjeglice;
2. Ena Zubčević - član, Mersudina Kovačević - zamjenik člana, Ministarstvo za pravosuđe i upravu;
3. Inela Kaknjo Šabanović - član, Zana Imamović Salčinović - zamjenik člana, Ministarstvo zdravstva;
4. Selvedin Delić - član, Darija Kuhar - zamjenik člana, Ministarstvo za obrazovanje, nauku, kulturu i sport;
5. Jasmina Čunjalo - član, Mirza Pehadžić - zamjenik člana, Ministarstvo unutrašnjih poslova;
6. Nira Hadžidulbić - član, Amra Babić- zamjenik člana, Kantonalni zavod za pravnu pomoć;
7. Sabiha Husić - član, Irma Šiljak - zamjenik člana, Udruženje „Medica” Zenica;
8. Meliha Sendić - član, Selma Badžić - zamjenik člana, Centar ženskih prava i
9. Velida Kulenović - član, Alma Huskić - zamjenik člana, Udruženje/Udruga „BH novinari”.

Član 2.

(Administrativno tehnički poslovi)

Administrativno tehničke poslove za potrebe rada Koordinacionog tijela obavljat će Selma El Haj Ahmad, zaposlena u Ministarstvu za rad, socijalnu politiku i izbjeglice.

Član 3.

(Mandat Koordinacionog tijela)

Koordinaciono tijelo se imenuje na mandatni period od 4 (četiri) godine, počev od dana stupanja na snagu ovog rješenja.

Član 4.

(Zadatak Koordinacionog tijela)

Zadatak članova Koordinacionog tijela iz člana 1. ovog rješenja jeste izrada dvogodišnjeg programa mjera za prevenciju, zaštitu i borbu protiv nasilja u porodici na području Zeničko-dobojskog kantona, uključujući istovremeno i obavezu praćenja provedbe programa, koordinaciju rada sa svim nadležnim institucijama, ustanovama i organizacijama angažiranim na njegovom

provođenju, te izradu izvještaja o provedbi programa mjera za Vladu Zeničko-dobojskog kantona.

Član 5.

(Rok za izvršenje zadataka)

(1) Obavezuju se članovi Koordinacionog tijela da program mjera iz člana 4. ovog rješenja izrade najkasnije do kraja decembra 2024. godine, a izvještaj o provedbi istog podnesu Vladi Zeničko-dobojskog kantona najkasnije po isteku roka od dvije godine od dana izrade programa mjera.

(2) Ostale zadatke iz člana 4. ovog rješenja članovi Koordinacionog tijela su u obavezi kontinuirano izvršavati i pratiti za sve vrijeme trajanja perioda na koji su imenovani.

Član 6.

(Sredstva za rad i naknada članova)

(1) Trošak koji nastane u radu Koordinacionog tijela u vezi održavanja sastanaka snosi Ministarstvo za rad, socijalnu politiku i izbjeglice.

(2) Članovima Koordinacionog tijela utvrđuje se pravo na naknadu za rad u neto iznosu od po 100,00 KM po sastanku, dok se pravo na naknadu zamjenskim članovima utvrđuje u iznosu od po 75,00 KM po sastanku, pod uslovom da je u toku mjeseca održan najmanje jedan sastanak i da se zadaci obavljaju izvan redovnog radnog vremena.

(3) Osoba koja će obavljati administrativno-tehničke poslove za potrebe Koordinacionog tijela ima pravo na naknadu u visini od 70% od naknade koja je utvrđena za jednog člana.

(4) Sredstva za rad Komisije isplatit će se iz Budžeta Zeničko-dobojskog kantona sa razdjela 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 613900, pozicija „Ugovorene i druge posebne usluge”, na račune imenovanih navedene u zahtjevu za isplatu.

Član 7.

(Stavljanje van snage)

Stupanjem na snagu ovog rješenja stavlja se van snage Rješenje o imenovanju članova Koordinacionog tijela za provođenje dvogodišnjeg programa mjera za prevenciju, zaštitu i borbu protiv nasilja u porodici za područje Zeničko-dobojskog kantona („Službene novine Zeničko-dobojskog kantona“, broj: 1/21).

Član 8.

(Stupanje na snagu)

Rješenje stupa na snagu danom donošenja i objavit će se u “Službenim novinama Zeničko-dobojskog kantona”.

Broj: 02-31-4049/24

Datum, 29.02.2024. godine

Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo za rad, socijalnu politiku i izbjeglice
1x Ministarstvo za pravosuđe i upravu,
1x Ministarstvo zdravstva,
1x Ministarstvo za obrazovanje, nauku, kulturu i sport,
1x Ministarstvo unutrašnjih poslova,
1x Kantonalni zavod za pravnu pomoć,
1x Udruženje „Medica”, putem Ministarstva,
1x Centar ženskih prava, putem Ministarstva,
1x Udruženje „BH novinari”, putem Ministarstva,
1x svim članovima i zamjenskim članovima,

putem ministarstava i nevladinih organizacija,
1x „Službene novine Zeničko dobojskog kantona“,
1x a/a.